

Sanhgyangh: Vwnzva Leih Minz Coengh Guhhoengh

Ndwen 1 ngoenz 6, aen satlaeng dienjleix daihcibgouj mbat sonlienb golaux Duncuz Liujcouh “sam gih vunzcaiz” youq Sanhgyangh Duncuz Swciyen Yangzhih Yangh Liengzbeiz Cunh Mbanjgveihli banh. 30 lai bouxhag ndang daenj buhvaq gyaundeir minzcuz camgya hozdung. Gyoengqde caenhsim angq ciengq golaux Duncuz, gyo’mbaiq cwngecz vwnzva leih minz aendangj. Gyawj geij bi doxdaeuj, Liujcouh “gwnz muengx hwnj dangz gya gwnzbiengz hai ban”, banh gij hozdung minzcuz vwnzva haeuj hagdangz、lajmbanj、segi、gihgvanh danhvei daengj. Mbouj gag gungganq ok buek vunzcaiz bonjdeih, lij hawj vwnzva ndwenngoenz lajmbanj lai yiengh.

(Gungh Bujangh Yangz Siuh/龚普康 杨肖)



► Gyoengq bouxhag humx dongfeiz ciengq golaux Duncuz.



▲ Geij mehmbwk doxcomz san buhlaengi.

Fwngzsoem San Cingzgeih, Couqmaenh Minzcuz Doxgiet

Ndwen 1 ngoenz 5, geij boux mehmbwk Gungh-cwngz Yauzcz Swciyen doxcomz youq giz ndeu, ndaw fwngz fagcim diuzlaengj baedauq mbouj dingz. Neix dwg aen hozdung san buhlaengj simndei gvansim lwggyax lwgndangcanz youz Gunghcwngz Fulenz banh haenx. Hozdung gungh miz 20 lai boux “daxmeh simndei” camgya, daengz seizneix fat le 30 gaen laengj, sou ma yaek miz 30 geu buhlaengj. Gyoengqde dawz gvansim caeuq caencingz baez cim baez cim san haeuj buhlaengj bae, yungh simgyaez saedguh “minzcuz doxgiet ranz vunz ndeu”.

(Lij Mouyangh/李茂香)



▲ Geu buhlaengj moq san ndaej ndeu.

Bahmaj Langhbaij Yiengh’ak “Gingjaz” Coux Cietgingjaz

Ndwen 1 ngoenz 9, Aenciet Cungguk Yin-minz Gingjaz daih’it yaek daeuj daengz, Bahmaj Yauzcz Swciyen Gungh-anhgiz caeuq Bahmaj Sinhvaz Sawdiemq banh le aen hozdung yiengh’ak “gingjaz” caeuq daejniemh saedcej diegyouq gingjaz ndeu. Neix dwg aen hozdung langhbaij gungh-anh cihsiz caeuq langhbaij doxgaiq gingjaz yungh haenx hawj lwgnyez caeuq cawjranz yawj ndeu, gyoengq lwgnyez ndaej engq roxyiuj gingjaz caeuq diegyouq gingjaz dwg baenzlawz yiengh, cix hag le cihsiz fuengzre sienghaih dem gag baujhoh swheij.

(Lij Cizcinh/李直真)



▲ Boux gingjaz ndeu lwnhgangj gij cihsiz gingjaz hawj gyoengq lwgnyez.

Aeu Vwnzmingz Saedguh Seizdaih Moq Vih Vunzlai Guhsaeh



▲ Bouxgagnyienh youq ndaw reih gonengznuengx dajndai dwkbwnh.

Mboengqneix, Denzlinz Yen Bakloz Yangh Mbanj-bazdung, baenz gyoengq bouxgagnyienh youq ndaw reih dajndai dwkbwnh. Gyawj geij bi doxdaeuj, Denzlinz Yen cauhaeb aendoih lwnhgangj vwnz-mingz saedguh, banh gij hozdung gagnyienh fugsah lumjbaenz vwnzva biujyienj、gohgi veiswngv vwnzva “sam haeuj mbanj” daengj, hawj vunzlai gvaq saedcej habhoz, roxyinh vuenyungz raeuh.

(Cangh Yungzswnh Lij Fanghvei Yoz Hijsui/张雄森 李芳慧 岳喜瑞)